

植物名實圖攷

植物名實圖考卷之十

固始吳其濬著

蒙自陸應穀校刊

山草

山馬蝗

和血丹

卽胡枝子

小槐花

無名一種

白鮮皮

土常山

四種

黎辣根

野南瓜

釘地黃

二圖

美人嬌

細米條

山胡椒

千筋拔

青莢葉

山豆根

陰行草

九頭獅子草

杜根藤

省頭草

葉下紅

闌骨草

地麻風

赤脛散

落地梅

野百合

冬蟲夏草

野雞草

野辟汗草

茶條樹

無名二種

小丹參

勁枝丹參

滇白前

滇龍膽草

甜遠志

滇銀柴胡

滇黃精

蕲棍

面來刺

小二仙草

土升麻

鮎魚鬚

抱雞母

一掃光

大二仙草

元寶草

海風絲

還魂丹

四方麻



山馬蝗

山馬蝗產長沙山阜獨根有短鬚褐莖多叉每枝三葉葉微似
竹面青背白疏紋無齒葉間發小蕊一開紫白小花如粟俚醫以
治哮喘此草與小槐花枝葉相類唯附莖團團結角似蛾眉豆而
扁小有雙角連生者亦黏人衣葉老則漸圓與豆葉無異紋亦
澀亂



和血丹 卽胡枝子


和血丹生長沙山坡獨莖小科一枝二葉面青黃背粉白有微毛似豆葉而長莖方有棱赭黑色直想四出有細鬚俚醫以爲破血之藥 按救荒本草胡枝子俗名隨軍茶生平澤中有二種葉形有大大小大葉者類黑豆葉小葉者莖類薯草葉似苜蓿葉而長大花色有紫白結子如粟粒大氣味與槐相類性溫採子微舂卽成米先用冷水淘淨復以滾水湯三五次去水下鍋或作粥或作炊飯皆可食加野棗豆味尤佳及採嫩葉蒸晒爲茶煮飲亦可此卽是葉似黑豆葉者其氣味頗似茶葉北地茶

少故凡似茶者皆蓄之南土則多供樵薪採摘所不及矣



小槐花

小槐花江西田野有之細莖發枝一枝三葉如豆葉而尖長秋結豆莢細如菉豆而有毛莖葉畧似山馬蝗而結角不同



生嶽麓獨莖參差生葉三葉攢聚葉似胡頹子葉微小
面深綠背白皆有微毛梢頭發叉開小白花似蛾眉豆花黃鬚
點點



白鮮皮

白鮮皮生長沙山坡叢生赭莖莖多斜刺交互極密嫩莖青綠
長葉排生如蒴藋而有細齒葉上亦有暗刺甚澀面緣背青白
俚醫以散痰氣行筋骨 按形狀與本草白鮮皮異別是一種